


# ATTERBURY TRUST



TRUST NUUSBRIEF

VOLUME 1 | DESEMBER 2007

DIE ATTERBURY TRUST .....1

BEURSLENINGS .....2

FINANSIËLE ONDERSTEUNING - SKOLE... 2

ALUMNI-BEURSFUNKSIE ..... 2 - 3

“KLAS VAN 1999” ..... 3 - 4

ATTERBURY TRUST PLANNE VIR 2008 .... 4

Groei en vooruitgang is reeds sinoniem met die Atterbury Property-naam. Die Atterbury Trust is besig om met rasse skrede te groei en ons het dit goedgevind om 'n nuusbrief te begin om al die belanghebbendes by die Trust ingelig te hou oor waarmee ons besig is. Die nuusbrief gaan twee keer per jaar onder die Atterbury werknemers, besigheids-vennote, huidige beurshouers, alumni beursleninghouers en die skole waar ons betrokke is, versprei word.

Soos die meeste van u reeds weet, is daar reeds met ontstaan van Atterbury Property in 1994 'n wilsbesluit geneem om 'n deel van die welvaart wat deur die maatskappy geskep word, terug te ploeg vir die opheffing van die minderbevoorregte gemeenskap. Die Atterbury Trust is derhalwe in die lewe geroep met die uitsluitlike doelwit om Christelike Afrikaanse opvoedkundige doelwitte na te streef. Die aktiwiteite van die trust is hoofsaaklik die toestaan van beurslenings en die daaropvolgende ondersteuning en mentoring aan studente. 'n Tweede been is die onontbeerlike finansiële ondersteuning aan skole in die weste van Pretoria.

Ons is opgewonde dat 'n rekordaantal van 21 nuwe beurse ten opsigte van 2008 akademiese jaar toegestaan is. Dit bring die totale aantal voltydse eerste- tot vierdejaar Atterbury Trust beursstudente vir 2008 tot 44. Ons begrote uitgawe aan beurse vir 2008 beloop in die omgewing van R 1 000 000 (2006: R 600 000). Beurslenings ten bedrae van ongeveer R 3 156 000 is vanaf 1999 tot 2007 toegestaan.

Ons het ook nuwe terrein betree deur skole in die Kaap en in Groblersdal te besoek vir die werwing van beursstudente. Ons planne vir 2008 sluit onder andere 'n besoek aan skole in die George omgewing in om verdere beurse daar toe te ken. Ons droom is om uiteindelik beursstudente te hê in elke deel van die land waar Atterbury ontwikkelings doen! Daar is ook kontak gemaak met instansies wat soortgelyke oogmerke as die Atterbury Trust het, soos byvoorbeeld die Rapport se Onderwysfonds en die MAD Foundation met die oog op moontlike samewerking in die toekoms.

Ek wil ook graag van hierdie geleentheid gebruik maak om baie dankie te sê aan almal by Atterbury wat vanjaar by die sowat 30 beursonderhoude betrokke was. Ek dink almal wat in die onderhoude ingesit het, sal met my saamstem dat dit 'n voorreg is om te weet 'n mens maak werklik 'n verskil aan individue en hulle families se lewens deur hulle in staat te stel om 'n tersiêre kwalifikasie te kan bekom. Dit is ook baie inspirerend om Afrikaanse Graad 12s te ontmoet wat ten spyte van baie moeilike finansiële omstandighede en persoonlike terugslae steeds groot drome het en vasbeslote is verder te studeer. Baie dankie ook aan Karin Dercksen wat baie nou by die studente betrokke was oor die afgelope aantal jare en steeds op 'n ad-hoc basis betalings doen, skole besoek en funksies reël.

ATTERBURY TRUST

**“ Ons skep  
beter geleenthede ”**

HOOF ADMINISTRATEUR | Zahn Hulme  
ADMINISTRATIEWE BEAMPTTE | Karin Dercksen  
UITLEG EN ONTWERP | Elrika Liebenberg

**IN ONS EERSTE UITGAWE VAN DIE NUUSBRIEF HET EK DIT GOEDGEDINK OM OP DIE SUKSESSE VAN DIE TRUST TOT OP HEDE TE FOKUS:**

**BEURSLENINGS TEN OPSIGTE VAN TERSIËRE STUDIES**

Soos in die tabel hieronder gesien kan word, is beurslenings in die afgelope agt jaar reeds aan 90 studente in uiteenlopende studierigtings by tersiëre instansies toegestaan. Die belangrikste kriteria vir die toestaan van lenings is werklike finansiële behoefte en geïdentifiseerde potensiaal van die studente. Die meerderheid van die studente studeer aan die Universiteit van Pretoria, maar ons ondersteun ook studente by Tswane University of Technology (TUT), Noord-Wes in Potchefstroom, Unisa, die Centurion Akademie en privaat kolleges.

Ons by die Atterbury trust is met reg trots daarop dat 40 van hierdie studente reeds hulle studies suksesvol voltooi het in onder andere die volgende studierigtings: Rekeningkunde (8), Ekonomiese en bestuurswetenskappe (5), Regte (5), Natuurwetenskappe (2), Ingenieurswese (3), Onderwys (3), Tandheelkunde (1), Stadsbeplanning (1) asook 10 studente in die Tegnieuse wetenskappe.

**Baie geluk aan die graduandi van 2008:** Elrinda Breytenbach BCom (Hons) Entrepeneurskap en Bemaking (Cum Laude), Janri Viljoen BCom (Rek) (Hons) STR en CF Zietsman LLB. Ons wens julle alles van die beste toe vir julle toetrede tot die arbeidsmark volgende jaar.



Judith Baak (neé Dippenaar) Diploma Kliniese Ingenieurswese. Werk tans as Verkoopsveteenwoordiger: Ventilators

**ALUMNI-BEURSFUNKSIE**

Ons wil ook graag ons ondersteuning aan die studente verbeter van bloot finansiële bystand deur ook nader aan hulle te beweeg en as mentors vir hulle op te tree.

Daar word in die toekoms beplan om van die alumni-beurshouers gebruik te maak om as mentors vir die huidige studente op te tree. Daar gaan ook van Atterbury se kant af gedurende die jaar met die studente geskakel word deur onder andere kampusbesoeke en afsprake by ons kantoor.

Ons 2007 alumni-funksie is op 16 Augustus by ons kantore gehou en is deur 26 huidige en alumni-beurshouers bygewoon. Louis het tydens hierdie geleentheid met die studente gedeel waarmee Atterbury tans besig is en beurshouers kon medestudente, oudstudente en ook huidige werknemers van Atterbury ontmoet. Ons beplan om die beursfunksie 'n jaarlikse instelling te maak.

JAAR	BEURSE TOEGESTAAN	STUDIES SUKSESVOL VOLTOOI	STUDEERTANS	OPGESKOP	ANDER BEURS ONTVANG
1999	6	6			
2000	9	6		2	1
2001	11	8		3	
2002	6	6			
2003	8	8			
2004	8	4	4		
2005	6	1	4		1
2006	9	1	8		
2007	6		6		
2008	21		21		
<b>TOTAAL</b>	<b>90</b>	<b>40</b>	<b>43</b>	<b>5</b>	<b>2</b>

**FINANSIËLE ONDERSTEUNING AAN SKOLE EN BEYERS BYTJIES KLEUTERSKOOLO**

Maandelikse finansiële ondersteuning wat vir die subsidiëring van onderwyserssalarisse aangewend word, is sedert Maart 2005 aan Laerskool Westerlig gemaak. Die opbrengs van die jaarlikse Atterbury gholfdag is ook sedert 2005 aan Laerskool Westerlig en Laerskool Generaal Beyers bewillig. Hierdie geld word aangewend vir noodsaaklike kapitale besteding aan die instandhouding en opgradering van fasiliteite. Daar is tydens die 2007 Atterbury gholfdag 'n bedrag van R 120 000 ingesamel wat tussen hierdie twee skole verdeel is.

Daar is ook besluit om die Beyers Bytjies kleuterskool wat ook in Danville geleë is, op 'n maandelikse basis vanaf Julie 2007 te ondersteun. Ongeveer 70% van die kleuters se ouers verdien minder as R 5000,00 per maand. Daar is tans 130 kleuters in die kleuterskool, waarvan 70 daagliks by die skool 'n maaltyd kry. Die Atterbury Trust bydrae word aangewend om die ses onderwyseresse se salarisse te betaal.



Zahn Hulme besig om die agtergrond en suksesstories van die Atterbury trust met almal teenwoordig te deel

....foto's volg op Bladsy 3



### 3. STEFAANS VAN PLETZEN

Stefaans skryf per epos uit Kanada: "nadat ek my graad in Rekenaar/Elektroniese ingenieurswese gekry het het ek gewerk vir Conspec, 'n maatskappy in Pretoria, wat spesialiseer in beheerstelsels vir industriële masjinerie. Tans werk ek vir Innovative Automation Inc in Kanada. Ons ontwerp en installeer masjinerie wat produksielyste automatiseer, hoofsaaklik in die motorindustrie."

### 4. CHRISTINE FOURIE

Ons sien vir Christine nog gereeld, aangesien sy tans by TAG, Atterbury se ouditeure, werksaam is. Christine het haar BA Regte graad in 2001 voltooi en daarna 'n Hons-graad in Kriminologie voltooi. Sy doen statutêre werk by TAG en is ook verantwoordelik vir die salariskantoor.



### 5. RIANA VAN DER MERWE

Riana het haar BSc Huishoudkunde graad in 2002 verwerf.

### 6. LESLIE MULLER

Leslie het BSc Rekenaarwetenskappe studeer en het sy graad in 2001 voltooi.

### ATTERBURY TRUST PLANNE VIR 2008



Ons sal graag in die toekoms wyer wil slaan deur die infrastruktuur by die Atterbury Trust te gebruik om die potensiaal van die Atterbury Trust se bedrywighede te maksimeer. Deur bande met ons besigheidsvennote te vat, kan ons 'n nog meer betekenisvolle impak hê.

Ons beoog om die Trust se infrastruktuur te gebruik om werwing van studente namens ander firmas doen om sodoende wyer toekomstige beurs- en werkseleenthede vir die studente verseker en groter betrokkenheid van die breër sakegemeenskap by hierdie inisiatief te bevorder.

#### KONTAK ONS BY:

Zahn Hulme : 082 325 9225  
Atterbury Trust : 012 483 8676  
Webtuiste : [www.atterbury.co.za](http://www.atterbury.co.za)

Ek wens u almal 'n baie Geseënde Kersfees en 'n 2008 vol nuwe en beter geleenthede toe!